

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu sa Zakonom o izvršavanju Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj 24/19) na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 61. sjednici, održanoj dana 18.06.2020. godine, d o n o s i

ZAKLJUČAK

I.

Daje se saglasnost na Program utroška sredstava Fonda za zaštitu okoline za 2020. godinu u razdjelu 19, budžetska organizacija 01, potrošačka jedinica 0001, Budžeta Zeničko-dobojskog kantona za 2020. godinu („Službene novine Zeničko-dobojskog kantona“, broj: 24/19 i 7/20), ekonomski kod 614100 (Transferi općinama iz sredstava za zaštitu okoline) u iznosu od 3.290.000,00 KM (slovima: trimilionadvijestotinedevdesethiljada konvertibilnih maraka) i ekonomski kod 614300, 614100, 613900, 821300, u iznosu od 2.610.000,00 KM (slovima: dvamilionašeststotinadesethiljada konvertibilnih maraka) koji čini sastavni dio ovog Zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Za realizaciju ovog zaključka zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija, svako u okviru svoje nadležnosti.

IV.

Zaključak stupa na snagu danom donošenja.

**PREMIJER
po ovlaštenju**

Mirnes Bašić

Broj: 02-_____/20
Datum, 18.06.2020. godine
Z e n i c a

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline
1x Ministarstvo finansija,
1x a/a.

PROGRAM

utroška sredstava Fonda za zaštitu okoline za 2020.godinu

I.

Budžetom Zeničko-dobojskog Kantona za 2020. godinu („Službene novine Zeničko-dobojskog kantona“ broj: 24/19 i 7/20) na razdjelu 19, budžetska organizacija 01, potrošačka jedinica 0001 - Ministarstvo za prostorno uređenje, promet i komunikacije i zaštitu okoline, utvrđena su sredstva za zaštitu okoline za 2020. godinu u ukupnom iznosu od 5.900.000,00 KM.

Sredstava za zaštitu okoline raspoređuju se, u skladu sa Odlukom o načinu raspodjele sredstava Fonda za zaštitu okoline („Službene novine Zeničko-dobojskog kantona“ broj: 18/12 i 1/15) tako da se 70% sredstava u odnosu na budžetski priliv, odnosno iznos od 3.290.000,00 KM usmjerava u općinske budžete, a 30%, odnosno iznos od 2.610.000,00 KM su pripadajuća sredstva Vlade Zeničko-dobojskog kantona.

Općine sredstva troše namjenski za planove i projekte iz oblasti zaštite okoline. Izvještaj o utrošku tih sredstava općine na kraju godine dostavljaju Ministarstvu za prostorno uređenje, promet i komunikacije i zaštitu okoline, koje priprema Izvještaj za Vladu Zeničko-dobojskog kantona.

Kriterij: Kriteriji za raspodjelu sredstava općinama/gradovima Zeničko-dobojskog kantona sadržani su u Odluci o načinu raspodjele sredstava Fonda za zaštitu okoline („Službene novine Zeničko-dobojskog kantona“ broj:18/12 i 1/15), tako što se sredstva u iznosu od 70% u odnosu na budžetski priliv doznave općinama/gradovima Zeničko-dobojskog kantona, a osnova za obračun su ukupno prikupljena sredstva sa područja svake općine/grada.

Budžetska sredstva planirana u koloni „Plan izdataka iz namjenskih sredstava“ u iznosu od 5.900.000,00 KM raspoređena su na sljedeći način:

Ekonomski kod	Vrsta izdatka	Iznos sredstava
614100	Tekući transferi općinama	3. 290.000,00 KM
614100	Transferi drugim nivoima vlasti (Troškovi finansiranja projekata Vlade)	1.100.000,00 KM
614300	Tekući transferi neprofitnim organizacijama	210.000,00 KM
821300	Nabavka opreme	1.250.000,00 KM
613900	Ugovorene usluge	50.000,00 KM
UKUPNO		5.900.000,00 KM

II.

Budžetom utvrđena sredstva u iznosu od **2.610.000,00 KM** Ministarstva za prostorno uređenje, promet i komunikacije i zaštitu okoline za 2020. godinu, će se utrošiti za realizaciju sljedećih projekata.

1. Naziv projekta: Pomoć općinama/gradovima Zeničko-dobojskog kantona u postupku čišćenja i sanacije divljih deponija

Cilj projekta: Nedovoljan obuhvat organiziranim sakupljanjem otpada u općinama posredno utiče na moguće odlaganje otpada na nedozvoljenim mjestima i formiranje takozvanih „divljih deponija“. Nastajanje, sanacija i ponovno nastajanje divljih deponija na već saniranom mjestu su pored finansijskog, ekološkog i tehničkog također i krupan društveni sociološki problem. Provođenje aktivnosti čišćenja, također mogu doprinjeti nestajanju prakse ponovnog bacanja smeća na sanirane površine, ali te aktivnosti moraju biti praćene i organizovanim sistematskim tehničkim i finansijskim mjerama programima i projektima.

U cilju realizacije Akcionog plana Federalne strategije zaštite okoliša (2008-2018), Plana upravljanja otpadom Zeničko-dobojskog kantona kao i Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina, potrebno je pružiti pomoć općinama u realizaciji programa čišćenja i sanacije divljih deponija. Predviđeno je uklanjanje krutog, PET i PVC otpada, dovoz i razastiranje zemlje sa kojom će biti pokrivena površina saniranog zemljišta, postavljanje znakova upozorenja, kao i sadnja sadnica na lokacijama gdje za to postoje uslovi.

Iznos sredstava: 400.000,00 KM

Kriterij: Sadržani su u Akcionom planu Federalne strategije zaštite okoliša (2008-2018), Planu upravljanja otpadom Zeničko-dobojskog kantona 2009-2029. godina, kao i Kantonalnom ekološkom akcionom planu zaštite okoliša Zeničko-dobojskog kantona za period 2017. - 2025. godina. Program će se realizirati putem javnog poziva na osnovu sljedećih kriterija:

- Pripremljenost projekta (usklađena i dobro definirana stručna priroda projekta, detaljno razrađena metodologija, stepen pripremljenosti za početak radova i sl.)
- Usklađenost planiranih aktivnosti sa relevantnim strateškim dokumentima i prioritnim područjima.
- Kapaciteti aplikanta koji podnosi zahtjev za realizaciju projekta (ljudski resursi predviđeni za realizaciju projekta, angažiranje vanjskih konsultanata, referense aplikanta i navedenih partnera u pogledu realizacije projekta i sl).
- Socio-ekološki pokazatelji i stepen ugroženosti okoliša (značaj projekta i očekivanih rezultata predloženog projekta na smanjenje onečišćenja okoliša i negativnog utjecaja na okoliš, te uticaja na život i zdravlje stanovnika, doprinos poboljšanju kvaliteta života i stanovanja).
- Stepun povoljnog uticaja na okoliš i održivost projekta (očekivano poboljšanje kvaliteta okoliša, širi korisni uticaj projekta na okruženje i sl.).
- Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Obezbjedenje sredstava od strane korisnika u odnosu na ukupno potrebnu finansijsku konstrukciju.

2. Naziv projekta: Finansijska podrška izgradnji odlagališne kasete druge faze na „Regionalnoj deponiji Mošćanica” d.o.o. Mošćanica.

Cilj projekta: U cilju realizacije Akcionog plana Federalne strategije zaštite okoliša (2008-2018), Plana upravljanja otpadom Zeničko-dobojskog kantona kao i Kantonalnog ekološkog akcionog plana zaštite okoliša Zeničko-dobojskog kantona za period 2017. - 2025. godina, te u cilju dobrog planiranja i efikasnije implementacije integralnog koncepta upravljanja otpadom, jedna od prioritnih aktivnosti je unapređenje uslova u oblasti upravljanja otpadom. Ovim projektom će se pružiti finansijska podrška izgradnji odlagališne kasete druge faze na „Regionalnoj deponiji Mošćanica” d.o.o. Mošćanica, u cilju proširenja kapaciteta deponije koji su sa krajem 2019. godine svedeni na minimum.

Iznos sredstava: 500.000,00 KM

Kriterij: Sadržani u Akcionom planu Federalne strategije zaštite okoliša (2008-2018), Planu upravljanja otpadom Zeničko-dobojskog kantona 2009-2029. godina, kao i Kantonalnom ekološkom akcionom planu zaštite okoliša Zeničko-dobojskog kantona za period 2017. - 2025. godina (KEAP).

Naime, u Akcionom planu KEAP-a, u poglavlju 7.8. Upravljanje otpadom, pod tačkom 1.1.5. planirano je da se finansijska sredstva za realizaciju projekta izgradnje II faze Regionalne deponije Mošćanica, pored ostalih izvora finansiranja (Fond za zaštitu okoliša FBiH, međunarodni fondovi, budžeti gradova/općina), obezbijede iz sredstava Budžeta Zeničko-dobojskog kantona.

Obzirom da je riječ o projektu od javnog interesa, za realizaciju istog planirana je raspodjela sredstava u iznosu od 500.000,00 KM.

3. Naziv projekta: Izgradnja Eko kuće Smetovi

Cilj projekta: U okviru realizacije ovog projekta predviđena je izgradnja Eko kuće Smetovi sa popratnim sadržajima. Osnovni cilj izgradnje Eko kuće na Smetovima je obezbjeđenje uslova djeci školskog uzrasta da se, u periodima prekomjerne zagađenosti ambijentalnog zraka u Zenici ali i u drugim općinama, omogući boravak na čistom zraku. Zbog veoma ograničenih smještajnih kapaciteta u prethodnim godinama je veoma mali broj djece mogao dobiti smještaj na najbližem izletištu. Eko-kuća Smetovi treba da bude edukativno-pokazni školski centar sa različitim sadržajima u potpunosti sagrađen od ekološki prihvatljivih materijala.

Cjeneći aktuelnu ekološku situaciju kao i kapacitete za boravak u prirodi zaključen je Sporazum o saradnji o zajedničkom učešću u realizaciji projekta „Eko kuće“ Smetovi u Zenici od 01.10.2019. godine između Zeničko-dobojskog kantona, Ministarstva za prostorno uređenje, promet i komunikacije i zaštitu okoline i Grada Zenica kojim su planirana sredstva za sufinansiranje projekta izgradnje „Eko-kuće Smetovi“.

U sklopu realizacije ovog projekta Grad Zenica će obezbjediti neophodne parcele, potrebne dozvole, infrastrukturu i značajna finansijska sredstva.

Iznos sredstava: 200.000,00 KM

Kriterij: Kod opredjeljivanja sredstava za ovaj projekat osnovni kriterij je javni značaj ovog objekta, kako za lokalnu zajednicu tako i za Zeničko-dobojski kanton, između kojih je zaključen Sporazum o saradnji o zajedničkom učešću u realizaciji projekta „Eko kuće“ Smetovi u Zenici.

4. Naziv projekta: Podrška podizanju svijesti o okolišu

Cilj projekta: Ostvariti partnerski odnos i saradnju sa nevladinim organizacijama, udruženjima građana, sportskim klubovima, obrazovnim institucijama, javnim ustanovama i medijskim kućama, uz podržavanje apliciranih projekata kojima se propagira zaštita okoliša i podizanje svijesti građana o potrebi okolišno održivog ponašanja u implementaciji niza modela za zbrinjavanje otpada, smanjivanja zagađivanja zraka, zaštiti prirode, voda i tla. Program će se realizirati putem javnog poziva.

Iznos sredstava: 210.000,00 KM

Kriterij: Sadržani su u Akcionom planu Federalne strategije zaštite okoliša (2008-2018). Program će se realizirati putem javnog poziva na osnovu sljedećih kriterija:

- Pripremljenost projekta u skladu sa zahtjevanim sadržajem programa (sveobuhvatnost, projektno partnerstvo, broj korisnika i obuhvat populacije, angažman volontera ili nezaposlenih, ciljna grupa kojoj je projekat namijenjen, usklađenost sa Akcionim planom i Strategijom).
- Realnost budžeta i vlastito učešće.
- Step en ugroženosti okoliša u postojećem stanju, koji je predmet projektnog zadatka.
- Izvještavanje o utrošku sredstava dodijeljenih po osnovu prethodnih javnih poziva Ministarstva za prostorno uređenje, promet i komunikacije i zaštitu okoline Zeničko-dobojskog kantona.
- Referentna lista već implementiranih sličnih projekata.
- Rokovi za realizaciju, spisak i reference eksperata koji će biti angažirani na realizaciji projekta.
- Mjerljivi efekti kao što su: originalnost u pristupu promotivnim i edukativnim aktivnostima, inicijative u slabije razvijenim zajednicama i učinak projekta na okruženje i zajednicu.
- Kvalitet javne prezentacije i promocije projekta.

5. Naziv projekta: Nabavka opreme za tretman infektivnog otpada u zdravstvenim ustanovama na području Zeničko-dobojskog kantona

Cilj projekta: Zbrinjavanje otpada iz zdravstvenih ustanova predstavlja složeni sistem i njegovo ostvarivanje ovisi o nizu uslova u smislu njegova razvrstavanja na mjestu nastanka, sakupljanja, prijevoza, skladištenja, tretmana, kao i o saradnji svih zainteresiranih strana. Nabavkom i isporukom opreme za tretman infektivnog otpada želi se riješiti gorući problem ZE-DO

kantona, a u vezi sa sigurnim tretmanom infektivnog otpada na samom mjestu nastanka, a prema preporuci Svjetske zdravstvene organizacije (WHO).

Programom utroška sredstava Fonda za zaštitu okoline za 2019.godinu planirana su sredstva u iznosu od 850.000,00 KM za nabavku opreme za tretman infektivnog otpada u zdravstvenim ustanovama Zeničko-dobojskog kantona. Odlučeno da se rješenje bazira na formiranju «ostrva za tretman infektivnog otpada», koja bi bila opremljena sa sterilizatorom, drobilicom i pripadajućom odgovarajućom opremom potrebnom za obezbjeđenje uslova za rad ukoliko isti ne postoje, a u krugu JU Kantonalna bolnica Zenica, Opće bolnice Tešanj, JU Dom zdravlja Visoko, JU Dom zdravlja Zavidovići. Nakon provedenog postupka javne nabavke ministarstvo je u decembru donijelo odluku o izboru najpovoljnijeg ponuđača. U toku 2020. godine planirano je potpisivanje ugovora sa odabranim ponuđačem.

Iznos sredstava: 850.000,00 KM KM

Kriterij: Izbor najpovoljnije ponude izvršit će se u skladu sa Zakonom o javnim nabavkama.

6. Naziv projekta: Jedna kuća – jedna kanta

Cilj projekta: U svrhu unapređenja tehničkih aspekata kao i postizanja ciljeva upravljanja komunalnim otpadom, potrebno je uspostaviti integralni sistem upravljanja otpadom na principima održivog razvoja. Jedan od podsistema integralnog sistema upravljanja komunalnim i njemu sličnom otpadu je i sakupljanje otpada, odnosno proširenje pokrivenosti općina/gradova organiziranim sakupljanjem komunalnog i njemu sličnom otpadu. Pokrivenost područja organiziranim sakupljanjem otpada direktno ukazuje na dostignuti nivo sistema upravljanja komunalnim otpadom na tom području.

Broj posuda za sakupljanje komunalnog otpada govori o kapacitetu komunalnih preduzeća da zbrinu svu količinu proizvedenog otpada. Mali broj posuda direktno utiče na povećanje troškova transporta zbog povećanja dinamike odvoza, kao i na moguće odlaganje otpada na nedozvoljenim mjestima i formiranje takozvanih „divljih deponija“. Usklađivanje kapaciteta za sakupljanje otpada i kapaciteta transporta je jedan od prioriteta efikasnog integralnog sistema upravljanja otpadom. Ovim projektom će se pružiti pomoć općinama/gradovima Zeničko-dobojskog kantona u nabavci posuda za sakupljanje komunalnog otpada, u cilju proširenja obuhvata organiziranim sakupljanjem otpada. Realizacijom ovog programa predviđeno je da se obezbijede posude za sakupljanje komunalnog otpada domaćinstvima koja se nalaze izvan uskog urbanog područja.

Iznos sredstava: 400.000,00 KM KM

Kriterij: Izbor najpovoljnije ponude izvršit će se u skladu sa Zakonom o javnim nabavkama.

7. Naziv projekta: Izdavanje časopisa o zaštiti čovjekove okoline «ZE-DO EKO»

Cilj projekta: Redovno informisanje o aktivnostima na području svih općina Zeničko-dobojskog kantona, trendovima u oblasti zaštite okoline te podizanje ekološke svijesti svih slojeva stanovništva, a naročito mladih.

Iznos sredstava: 12.000,00 KM

Kriterij: Izbor najpovoljnije ponude izvršit će se u skladu sa Zakonom o javnim nabavkama.

8. Naziv projekta: Napiši priču uradi sliku

Cilj projekta: Ovaj projekat realizira se u saradnji sa NIPP „Naša riječ“ podrazumijeva izradu literarnih i likovnih radova, sa tematikom zaštite okoline, učenika osnovnih i srednjih škola sa područja Zeničko-dobojskog kantona. Završetak projekta se obilježava prigodnom manifestacijom uz dodjelu nagrada i zahvalnica.

Iznos sredstava: 6.000,00 KM

Kriterij: Izbor najpovoljnije ponude izvršit će se u skladu sa Zakonom o javnim nabavkama.

9. Naziv projekta: Promotivne aktivnosti, stručna usavršavanja

Cilj projekta: Organizacija seminara, okruglih stolova, radionica, propagandnih manifestacija, medijskih projekata, sufinansiranje izdavaštva itd.

Iznos sredstava: 32.000,00 KM

Kriterij: Izbor najpovoljnije ponude izvršit će se u skladu sa Zakonom o javnim nabavkama.

REKAPITULACIJA

R.br	NAZIV PROJEKTA	IZNOS SREDSTAVA (KM)
1.	Pomoć općinama Zeničko-dobojskog kantona u postupku čišćenja i sanacije divljih deponija	400.000,00
2.	Finansijska podrška izgradnji odlagališne kasete druge faze na „Regionalnoj deponiji Mošćanica” d.o.o. Mošćanica.	500.000,00
3.	Izgradnja Eko kuće Smetovi	200.000,00
4.	Podrška podizanju svijesti o okolišu	210.000,00
5.	Nabavka opreme za tretman infektivnog otpada u zdravstvenim ustanovama na području Zeničko-dobojskog kantona	850.000,00
6.	Nabavka posuda za sakupljanje komunalnog otpada „Jedna kuća – jedna kanta“	400.000,00
7.	Izdavanje časopisa o zaštiti čovjekove okoline «Ze-do Eko»	12.000,00
8.	Napiši priču uradi sliku	6.000,00
9.	Promotivne aktivnosti, stručna usavršavanja	32.000,00
UKUPNO		2.610.000,00

**PREMIJER
po ovlaštenju**

Mirnes Bašić

Broj: 02-_____ /20

Datum, 18.06.2020. godine

Z e n i c a

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,

1x Ministarstvo finansija,

1x a/a.